

文淵樓叢書

選學膠言

第千冊

選學膠言目錄

卷二十

過秦非論

穀函

取西河

四公子封號

最音聚

翟景

遁逃當作逡遁

滅二周非始皇事

七百里

鋌

誰何

非有先生非傳

箕子名

史扁

中和樂職宣布

嫫

白虎通闕文

王繆字誤

官田

拒鬯白狼

焦齒

鬻

夢與神遇

文人相輕

六代論非子建託名

以秦比魏

四十字誤

人本作歲

養生論不止一篇

斛字誤

汜勝之田農書

經方小品

閭閻史記注誤

周瑜陸遜皆用火攻

莞當作莧

皇祖注非李氏

馮唐事與顏駟同

引淮南有誤

鵠鶴似非一鳥

磨當作磨

折枝

班固贊

劉孝標當作劉孝綽

連珠體昉於韓非

禽息薦百里奚

眇當作史

離卽螭

悠悠注脫

札

銅雀辭

李注誤并入五臣

刁斗

浚儀王氏

溜緇同字

承華

陶淵明

母當作父

彭澤

淵明卒月

殷淑儀

伯喈文不能無媿辭

仲躬

郭陳會葬人數

沈濫

餘姚公主

班劬人數

大漸

期頤之壽

丘里

法身

佛生日

注引高僧傳有誤

禮記當作禮書

行事

心競

喉脣

衡巫

注引韓詩

秋儲

棠陰

夏侯稚權

去誌選銘

行狀所始

昭音韶

千戶非如干

鄧通譖賈誼

莊躋有二

瓠壺同

嗟苦

訊當作諄

賈生憤懣之言

螻字叶韻

漢高魏武同轍

曾孫上林校字

選學膠言卷二十

錢唐張雲璈仲雅述

論

過秦非論

賈誼過秦論

過秦三篇賈子新書題下無論字陳涉項籍傳引此
應劭曰賈誼書之首篇也足明篇之非論矣吳志闕
澤傳始目爲論左太沖詠史詩因之而昭明之選亦
因之

殺函

秦孝公據殽函之固注韋昭曰殽謂二嶮函函谷關

也困學紀聞云春秋時殽桃林晉地非秦有也雲璈
按伯厚此言蓋以賈生爲誤顧氏春秋大事表其列
國山川表云桃林在今河南陝州靈寶縣南十一里
隋置桃林縣唐天寶初得寶符于關旁改名靈寶關
在谷中絕岸壁立深險如函因名潼關自魏武西征
馬超始見於史在今陝西同州府華陰縣東四十里
蓋自華而號而陝而河南中間千里古立關塞有三
在華陰者潼關也自潼關東二百里至陝州靈寶縣
則秦函谷關也自靈寶縣東三百餘里至河南府新
安縣則漢函谷關也王氏曰自靈寶以西潼關以東

皆曰桃林自崤山以西潼津以東通稱函谷然則桃
林函谷同實異名新安漢關與桃林無與自秦關以
西皆詹父所守

見文十三
年左傳

秦孝公始於其地置關以

前則但謂之桃林據此則桃林雖爲晉塞實是西陲
門戶亦秦所以固吾圉之地故亦得而言之考秦繆
公立五年而晉獻滅虞滅虢滅而桃林之塞已舉
秦之門戶在晉肘腋之間秦雖志在東向而屢爲晉
所遏故不能越河以東一步者幾二百年至孝公發
憤出兵東地渡洛厥後魏人連納陰晉上郡之地而
河西悉屬於秦是孝公時殽函已非復晉有矣賈生

之言固未嘗誤也況孝公亦非春秋時

取西河

於是秦人拱手而取西河之外雲璈按秦本紀惠文王八年魏納西河地孝公時似不得言取西河然商君傳已有魏惠王使使割河西之地獻于秦以和之語梁氏史記志疑亦以爲誤

四公子封號

齊有孟嘗趙有平原楚有春申魏有信陵按四公子之封號前人多不詳注史記志疑云正義於春申傳云四君封邑檢皆不獲惟平原有地又非趙境並蓋

號謚索隱於魏公子傳云地理志無信陵或是鄉邑
名兩注疏漏之甚魯頌箋云嘗在薛之旁裴駢司馬
貞已引之田文襲父封薛而兼食嘗邑故號孟嘗孟
乃其字猶稱薛文然也趙勝封於東武城黃歇初封
淮北後徙吳墟俱明載本傳而謂之平原春申者是
號而非地故韓子和氏篇言楚莊王有弟春申君漢
朱建及孝景皇后母臧兒皆號平原君也若魏公子
無忌則封於陳畱郡之寧陵縣而號之爲信陵君者
也寧陵爲古葛地水經注廿三坂水又東逕葛城北
故葛伯之國葛於六國屬魏魏以封公子無忌號信

陵此乃確證

最音聚

周最注字林曰最才句切胡中丞曰周本紀索隱云最詞喻反與才句正同皆讀最爲聚

翟景

注云翟景未詳梁玉繩云翟景疑是趙策翟章

遁逃當作逡遁

秦人開關而延敵九國之師遁逃而不敢進雲璈按新書作逡遁史記始皇本紀作逡巡遁逃漢書作遁巡皆誤也蓋遁卽巡字因遁與循同後人傳寫旣誤

遁爲巡又以逃配遁遂致文義複沓其實逡遁爲逡
巡之異文當如新書作逡遁不當云遁逃也漢書平
當傳贊逡遁有恥游俠萬章傳逡遁甚懼皆與逡巡
同師古漢書注之辨甚詳野客叢書闢之非也胡中
丞以賈子下篇云百萬之徒逃北而遂壞謂作遁逃
亦無不可終屬遷就之說又九國之師注謂齊楚韓
魏燕趙宋衛中山也按上云兼韓魏燕趙宋衛中山
之衆蓋脫齊楚二字耳史記有之漢書及賈子皆脫
滅二周非始皇事

吞二周而亡諸侯注史記曰始皇滅二周置三州郡

孫侍御曰宋吳枋宜齋野乘秦昭王五十一年滅西
周其後二年莊襄王滅東周則吞二周乃始皇之祖
與父非始皇也

七百里

卻匈奴七百余里李氏無注金宗伯云史記劉敬曰
匈奴河南白羊樓煩王去長安近者七百里又匈奴
傳曰始皇帝使蒙恬擊胡悉收河南地因河爲塞凌
穉隆云河南地今河套也廣七百里號新秦中蒙恬
所取者

銷鋒鋌鑄以爲金人十二注如淳曰鋌箭足也雲璈
按鋌卽鎡釋名鎡敵也齊謂之鏃關西謂之釘鉸

誰何

信臣精卒陳利兵而誰何注誰何問之也雲璈按通
雅云何音苛苛細詰問也漢有大誰卒師古曰大誰
主問非常之人有大誰長黃圖曰王褒帶劔入北司
馬門

此別一王褒非子淵

至非常室中乃公車大誰也集韻或

作噍亦作譙史記衛綰傳景帝立歲餘不譙呵綰注
譙音誰呵音何以譙呵爲怒讓此言不誰何但不問
之而已漢書作不孰何武帝冊曰孰之復之應劭以

通學朋言
誰何爲掌謹呵者後學輒改此書誰爲謹違本文矣
又野客叢書云漢書袁種告盜曰飲亡何史記曰飲
亡苛二義不同僕謂何苛二字古通用實一義耳觀
漢書賈誼傳謂大譴大何新書作大苛可證也史傳
又有傳寫譌舛而認以爲正文者如衛綰傳不孰何
而史記作不譙呵疑史記謂不誰何而綰傳誤以爲
譙呵也

非有先生非傳

東方曼倩非有先生論

日知錄云不當作史之職無爲人立傳者梁任昉文
章緣起言傳始於東方朔作非有先生傳是以寓言

而爲之傳也雲璈按文選作非有先生論編入論體並不云傳豈彥升誤歟抑後人所改與

箕子名

箕子披髮佯狂注引尸子云箕子胥餘蓋箕子名也雲璈按箕子名胥餘又見于莊子大宗師釋文當是據此而釋文又以爲比干名

史扁

太公釣於渭之陽以見文王注引六韜曰文王卜田史扁爲卜云云而李康運命論及劉越石答盧湛詩注引六韜又作史編漢書人表師古注扁音編蓋二